

Ils chastels da Bellinzona

In guid deditgà als monuments tessinai da renum mundial

■ **Ils chastels da Bellinzona appartegnan dapi l'onn 2000 tar il patrimoni mundial da l'Unesco. Els èn las perdigas las pli impurtantas da l'architectura militar medievala en Svizra. Lur origins van enavos a la fin dal temp antic cura ch'ins ha erigi in emprim stabiliment sin la collina dal Castelgrande. La structura odierna da la serra da Bellinzona sa basa per gronda part sin las activitads da construcziun complexas dals ducas da Milaun en il 15avel tschientaner. Da lez temp è naschida ina fortezza potentia che serrava l'entira val e che dueva far frunt a las attatgas dals Confederads. Cun ses mirs dentads, sias turs e sias portas fa quest implant da defensiu imposant anc oz ina grond'impresiu.** Già quatter onns avant la nomina-



ziun dals chastels da Bellinzona sco patrimoni mundial, il 1996, ha la Societad d'istorgia

d'art en Svizra edì in guid infurmativ davart questa fortezza impurtanta al sid da las Alps. Il cudeschet descriva il svilup da Bellinzona e da ses conturns da la colonialisaziun preistorica fin al temp modern e furnescha ina descripciun istoric-architectonica da las trais fortezzas Castelgrande, Montebello e Sasso Corbaro. Ultra da quai cuntegna la brochura in glossari cun terms tecnicos da l'architectura militar.


A la cruschada dals pass alpins

«Questa terra è pur una giave e porta de Italia – quest lieu è la clav e la porta vers l'Italia». Uschia ha definì il cumissari da guerra Azzo Visconti la rolla strategica da Bellinzona en ina brev adressada il 1475 al duca da Milaun per giustifigar la necessitad da meglierar las fortezzas en la stretga da la vallada. E pelvaira: a Bellinzona s'uneschan uschè bieras rutas da pass sco en nagin'otra sortida meridiunala da las Alps. Ultra dals pass dal Nufenen, dal San Gottard, dal Lucmagn e dal San Bernardin che èn ozendi averts al traffic transalpin traversava la glieud las Alps da pli baud er sin tantas sendas pitschnas a pe u a chaval. Lur rutas s'univan a Bellinzona en in'unica via d'insaquants paucs kilometers per danovamain sa divider pli al sid en differentas axas che manavan en la planira lumbarda. L'impurtanza strategica da Bellinzona s'ha midada pliras giadas en il decurs dals tschientaners pervi da sia politica da traffic, ma era pervi da las cundiziuns topograficas optimalas per la construcziun da fortezzas: In dies da grip, che s'avanza da la flanca orientala lunsch viaden en la planira, furma ina serra naturala. Ins pudeva passar ella mo en dus lieus – a l'ost, nua ch'igl è sa furmada en il temp medieval la citadina, ed al vest, nua che las auas incalculablas dal flum Ticino sbuccavan anc en il 15avel tschientaner en in bratsch dal Lago Maggiore.

Da la colonisaziun preistorica al temp modern

Fossas e singulas restanzas d'edifizis cumprovan ina colonisaziun permanenta en ils conturns da Bellinzona dapi il temp neolitic en il 4. mill. a. C. En la zona urbana da Bellinzona sa concentreschan ils fastizs preistorics sin la collina grippusa da Castelgrande. Ils fastizs d'abitadi sa refeschan al temp neolitic, al temp da bronz ed al temp da fier. La posiziun defensiva ideala da questa fortezza ha attratg surtut masternants che vulevan proteger lur products dals inimis.

Sut l'imperatur Augustus è il territori alpin vegni annectà a l'Imperi roman en pliras campagnas militaras. Las regiuns da las Alps reticas èn vegnidas sutmessas en ils onns 16/15 a. C. suenter ina gronda offensiva. Sco basa per ina tala attatga avevan las truppas romanas construi in chastè sin la collina dal Castelgrande. Cun la consolidaziun administrativa da l'Imperi ed il



Cuverta dal guid illustrà «Ils chastels da Bellinzona» (1996).

spustament da ses cunfins a l'ost dal Rain ha l'implant militar pers sia muntada en il decurs dal 1. tschientaner s. C. ed è vegni abandonà.

En il rom da las refurmas da l'Imperi en il 4. tschientaner è il lieu danovamain vegni fortifitgà cun in sistem da defensiu graduà che consistiva da chastels e da turs d'observaziun. Il chastè da Bellinzona facheva part dad in'entira chadaina da fortezzas erigidas a la sortida meridiunala da las Alps. L'efficacitad da la fortezza è sa mussada il 475, cura ch'in'armada da 900 Alemans è vegnida rebattida.

Cun la dissoluziun da la pussanza centrala en l'Imperi roman dal l'occident a la fin dal 5avel tschientaner è la fortezza quasi insuperabla da Bellinzona vegnida integrada en l'organisaziun militar dals dominis successurs. Ina garnischun permanenta aveva l'incumbensa da proteger il lieu da las invasiuns francas ed alemanas.

La fin da l'imperi Caroling ha chaschu-

nà a l'Italia dal nord temps turbulents. Da quel temp na serviva la veglia fortezza betg mo sco basa da defaissa, mabain era sco refugi per la populaziun dal conturn.

Suenter la fin dal domini dals imperaturs da Hohenstaufen vers il 1250 ha la fortezza survegni in'extensiu topografica durabla: Vers la fin dal 13avel tschientaner è vegni construi il chastè da Montebello sin in grip a l'ost da l'aglomeraziun urbana.

Bellinzona è restà durant decennis in lieu cumbatti. Las fortezzas èn vegnidas occupadas e conquistadas pliras giadas. L'onn 1340 ha cumenzà per Bellinzona il domini milanais che ha durà in tschientaner e mez. Per proteger militarmain lur territori cunter las acziuns imprevisiblas dals Confederads han ils ducas milanais amplifitgà las veglias fortezzas ad ina serra da vallada strusch da conquistar. Probablmain già vers il 1350 è il chastè da Montebello vegni collià tras la miraglia cun il mir da tschinta da la citad. Pauc suenter il 1400 è



Ils Confederads davart Bellinzona. Represchentaziun da las fortezzas da Bellinzona en la cronica bernaisa da Benedikt Tschachtlan (1470).

vegnida construida in'otra tur sin in grip da la vart orientala da la muntogna, l'emprima part dal futur chastè da Sasso Corbaro.

Pir cun il declin dal ducadi da Milaun enturn il 1500 han ils Confederads survegni l'ocasiun da sa patrunar da la fortezza da Bellinzona: Il retg da la Frantscha Louis XII, che aveva pretais ses dretgs ereditars sin il ducadi da Milaun, aveva empermess da surdar als Confederads la fortezza sco recompensa per lur agid tar la conquista dal ducadi. Suenter l'attatga victoriosa ha'l dentant betg tegnì ses pled ed ha installà ina garnischun da 1000 umens en la fortezza. En il decurs da l'enviern 1499/1500 ha in'insurrecziun en il ducadi milanais mess en privel il domini da Louis XII ed er la populaziun da Bellinzona s'ha revoltada cunter il retg. La garnischun franzosa è sa retratga en il mir da serra ed en il chastè da Sasso Corbaro. La primavaira dal 1500 ha occupà Louis XII danovamain la Lumbardia ed ha mess en fermanza il duca da Milaun. Per prevegnir a la vendetga dals victurs èn sa sutmesses ils abitants da Bellinzona ad in battagliun da guerriers da la Svizra centrala che sa chattava sin via vers chasa. Quels han immediatmain stgatschà la garnischun franzosa ed han retschet l'act da submissiu da la citad. L'onn 1508 ha l'imperatur Maximilian confermà la proprietad dal feud imperial da Bellinzona ad Uri, Sviz e Sutsilvania. La pasch eterna signada il 1516 è restada durant tschientaners la basa da las relaziuns diplo-

pressiu d'in grond spazi vid. Documents dal 11–15avel tschientaner e stgavaments archeologics cumprovan dentant che il Castelgrande era sutdividi en pliras parcelas e stueva cuntengnair in dumber d'edifizis blier pli grond che quai ins po s'imaginà oz. Bliers edifizis èn probablmain vegnids destruids en il 15avel tschientaner dals ducas da Milaun per dar quartier a gronds contingents da militar. Durant il 14avel ed il 15avel tschientaner han concentrà ils signurs da Milaun lur sforz da fortificaziun surtut sin las parts periferas. Els han fatg construir curts d'armas externas e turs auxiliars auzond e renovond il mir da tschinta. L'ala sid dal chastè cuntengna oz in museum archeologic che illustrescha las differentas etappas da construcziun da Castelgrande.

A la periferia occidentala da Castelgrande sa collià la Murata, in mir da serra che sa stendeva pli baud fin a la spunda dal flum Ticino. Tenor ina descripciun dal 1457 aveva quest mir da circa 600 meters lunghezza ina curuna da 296 dents. En il decurs dals onns èn vegnidas destruidas impurtantas parts da la Murata; il rempar sa preschenta oz sco ovra fitg fragmentada.

A l'ost dal center da la citad da Bellinzona s'auza l'impressiuant chastè da Montebello sin in premunt grippus. Il chastè che datescha dal 13avel tschientaner è probablmain vegni construi dals Ruscas, ina famiglia pussanta da Como. Differentas etappas da construcziun tranter il 1462 ed il 1490 han dà a la veglia fortezza l'aspect

Glossari da terms architectonics e militars (tscherna)

<i>balestrera</i>	stretga avertura verticala en il mir per sajettar cun balesters e pitschens chanuns
<i>bastion</i>	tur cun plattafurma da defensiu e locals cun arvieut, equipads d'artigliaria
<i>chastellan</i>	cumandant d'ina fortezza, posseda autoritad militar e per part civila
<i>coborta</i>	unitad da l'armada romana cun ca. 1000 umens a pe u a chaval
<i>giatrer</i>	giatter pesant da lain e fier che vegn auzà e sbassà davant in portal
<i>mir da tschinta</i>	rempar d'ina fortezza medievala cun indrizs da defensiu
<i>Murata</i>	grond mir da serra
<i>orva</i>	stretga avertura en il mir, balestrera
<i>raschera</i>	tumbin vertical en in mir da rempar per bittar giu crappa, ieli u rascha chauda
<i>stretga</i>	part da la vallada tschinclada da muntognas, grippa u auas e qua tras particularmain adattada per bloccar la val

matics tranter la Frantscha ed ils Confederads ed ha garantì ad els il possess dal territori occupà en la part meridiunala dal Tessin odiern. Il contadi da Bellinzona è restà uschia fin a la fin da la confederaziun dals tredesch chantuns l'onn 1798 sut l'autoritad cumina dad Uri, Sviz e Sutsilvania. Cun la constituziun dal chantun Tessin il 1803 èn daventads ils trais chastels proprietad dal nov chantun. Montebello, Sasso Corbaro, ils mirs da la citad ed il mir da serra èn ids pli e pli en muschna. Dapi 1813 serviva il Castelgrande sco arsenal ed a partir dal 1820 sco prashun chantunala. Il 1881 l'ha la regenza tessinaisa vuli vender n'ha dentant betg chattà in cumprader.

Ils emprims sforzs per salvar ils monuments istorics han cumenzà curt suenter il 1900. Las lavurs da restauraziun e da consolidaziun èn vegnidas exequidas tranter ils onns 1920 e 1955; las lavurs da mantegniment èn vegnidas terminadas cun la restauraziun dal Castelgrande l'onn 1992.

Chastels e mirs da defaissa

L'imposant grip da Castelgrande furma il center natural da la serra da Bellinzona ed il lieu dal chastè da medem num. Oz cuntanschan ils visitaders e las visitadras la fortezza cun in ascensur che maina dal pe da la collina directamain a l'intern da l'areal dal chastè. L'interiur dal chastè dat l'im-

che dominescha anc oz il chastè. Cunquai che Montebello era relativamain bain accessibel da tuttas varts èsi sta necessari da stgavar foss profunds per sa proteger cunter attatgas dals inimis. Il nuschegl central dal chastè cuntengna oz cun il Museo civico in'auter museum archeologic en il qual ils chats da fossas preistoricas dal Tessin èn exponids.

Circa 600 meters al sidost da la citad, al punct pli aut dal dies grippus, è situada la terza fortezza: Sasso Corbaro. Cuntrari als auters implants militars, reunids dal 13avel al 15avel tschientaner ad in unic sistem da defensiu, sa preschenta ella sco complex isolà. La pitschna fortezza quadratica da circa 25 meters ladezza è vegnida construida en il 15avel tschientaner per rinforzar il sistem da defaissa da Bellinzona d'asper ina tur preexistenta. En temp da pasch serviva Sasso Corbaro sco prashun.

La preschentaziun:

Werner Meyer. *Ils chastels da Bellinzona*. Berna 1996.

Dapli infurmaziuns:

chatta.ch/?hiid=511
www.chatta.ch